

三才圖會

三才圖會


雲間允明父王思義續集

儀制四先

國朝儀仗圖下


國朝儀仗圖下

角宿旗 亢宿旗




三才圖會卷之儀制四

旗宿房 旗宿氏




旗宿尾 旗宿心




旗宿斗


旗宿箕



旗宿女 旗宿牛




旗宿危 旗宿虛




三才圖會卷之儀制四


旗宿壁 旗宿室




奎宿旗 婁宿旗



旗宿昴 旗宿胃



旗宿觜 旗宿畢




三才圖會卷之四十四


六

井宿旗

参宿旗




鬼宿旗 柳宿旗




旗宿張

旗宿星



旗宿軫 旗宿翼



三才圖會卷之儀制四

角宿旗

宋角宿旗青質赤火焰脚畫神人爲女子形露髮朱袍黑
欄立雲氣中持蓮荷元制青質青火焰脚繪二星下繪蛟
今制青質黃襪赤火焰間綵脚中塗金爲角宿二

亢宿旗

宋亢星旗青質赤火焰脚畫神人冠五梁冠朱袍皂襪皂
帶黃裳持黑等子元制青質青火焰脚繪四星下繪龍
今制青質黃襪赤火焰間綵脚中塗金爲亢宿四

氐宿旗

米氏宿旗青質赤火焰脚畫神人冠小冠衣金甲朱衣包
肚朱擁項白袴右手仗劍秉一鼈 元制青質青火焰脚
繪四星下繪貉 今制青質黃欄赤火焰間綵脚中塗金
爲氏宿四

房宿旗

宋房宿旗青質赤火焰脚畫神人烏巾白中單碧袍黑欄
朱蔽膝白帶黃裙朱馬右手仗劍 元制青質青火焰脚
繪四星下繪兔 今制青質黃欄赤火焰間綵脚中塗金
爲房宿六

心宿旗

宋心宿旗青質赤火焰脚畫神人冠五梁冠朱袍皂襪左手持仗 元制青質青火焰脚繪三星下繪狐 今制青質黃襪赤火焰間綵脚中塗金爲心宿三

尾宿旗

宋尾宿旗青質赤火焰脚畫神人冠束髮冠素中單黃袍朱裳青帶纁裳赤舄右手仗劍左手持弓 元制青質青火焰脚上繪九星下繪虎 今制青質黃襪赤火焰間綵脚中塗金爲尾宿九又神宮小星一在旁

箕宿旗

宋箕宿旗青質赤火焰脚畫神人冠金梁冠衣淺朱袍皂
襪仗劔乘白虎於火中 元制青質青火焰脚繪四星下
繪豹 今制青質黃襪赤火焰間綠脚中塗金爲箕宿四

斗宿旗

宋斗宿旗青質赤火焰脚畫神人被髮黃腰裙朱帶右手
持杖 元制黑質黑火焰脚上繪六星下繪獬 今制青
質黃襪赤火焰間綠脚中塗金爲斗宿六

牛宿旗

宋牛宿旗青質赤火焰脚畫神人牛首皂襪紅袍黃裳朱
鳥立雲氣中 元制黑質黑火焰脚上繪六星下繪牛
今制青質黃襪赤火焰間綠脚中塗金爲牛宿六

女宿旗

宋女宿旗青質赤火焰脚畫神人鳥牛首衣朱服皂襪素
帶烏鞞右手持蓮立雲氣中 元制黑質黑火焰脚上繪
四星下繪龜 今制青質黃襪赤火焰間綠脚中塗金爲
女宿四

虛宿旗

宋虛宿旗青質赤火焰脚畫神人被髮裸形坐於甕中左手持一珠 元制黑質黑火焰脚上繪二星下繪鼠 今制青質黃欄赤火焰間綵脚中塗金爲虛宿二

危宿旗

宋危宿旗青質赤火焰脚畫神人虎首金甲衣朱服貔皮汗髯青帶藍包肚烏鞞左手仗劔立雲氣中 元制黑質黑火焰脚上繪三星下繪燕 今制青質黃欄赤火焰間綵脚中塗金爲危宿三又墳墓四小星在旁

室宿旗

宋室宿旗青質赤火焰脚畫神人戴髮朱服乘舟水中
元制黑質黑火焰脚上繪二星下繪猪 今制青質黃欄
赤火焰間綠脚中塗金爲室宿二又離宮六星在旁

壁宿旗

宋壁宿旗青質赤火焰脚繪神人爲女子形丫髮朱服皂
欄綠帶黃裳烏舄左手持前右手仗劍立雲中 元制黑
質黑火焰脚上繪二星下繪猢 今制青質黃欄赤火焰
間綠脚中塗金爲壁宿二

奎宿旗

宋奎宿旗青質赤火焰脚繪神人狼首朱服金甲綠包肚
白汗膊黑帶烏鞞右手仗劍 元制素質素火焰脚上繪
十六星下繪狼 今制青質黃欄赤火焰間綠脚中塗金
爲奎宿十六

婁宿旗

宋婁宿旗青質赤火焰脚繪神人丫金梁冠素中單淺黑
包皂欄朱蔽膝青帶黃裳朱舄左手持烏牛角右手仗劍
元制素質素火焰脚上繪三星下繪狗 今制青質黃欄
赤火焰間綠脚中塗金爲婁宿三

胃宿旗

宋胃宿旗青質赤火焰脚繪神人丫髮披豹皮淺紅裙青帶跣足左手指前右手仗劔立雲氣中 元制素質素火焰脚上繪三星下繪雉 今制青質黃欄赤火焰間綠脚中塗金爲胃宿三

昴宿旗

宋昴宿旗青質赤火焰脚繪神人牛首朱服皂欄黃裳青帶朱鳥左手拳右手持青如意 元制素質素火焰脚上繪七星下繪雞 今制青質黃欄赤火焰間綠脚中塗金爲

昴宿七

畢宿旗

宋畢宿旗青質赤火焰脚繪神人作兕形著朱毳持黑杖
乘馬行雲氣中 元制素質素火焰脚上繪八星下繪烏
今制青質黃襴赤火焰間綵脚中塗金爲畢宿八附耳一
星在旁

觜宿旗

宋觜宿旗青質赤火焰脚繪神人冠緇布冠朱服皂襴黃
裳拱手坐雲氣中 元制素質素火焰脚上繪三星下繪

猴 今制青質黃襪赤火焰間綵脚中塗金爲觜宿三

參宿旗

宋參宿旗青質赤火焰脚繪神人被髮衣紫襪黃袍綠裳
青帶朱爲左手指空右手持珠椎立雲氣中 元制素質
素火焰脚上繪十星下繪猿 今制青質黃襪赤火焰間
綵脚中塗金爲參宿十又玉井四小星在左足下

井宿旗

宋井宿旗青質赤火焰脚繪神人丫髮朱袍皂襪坐雲氣
中右手持紅蓮 元制赤質赤火焰脚上繪八星下繪犴

今制青質黃襴赤火焰間綵脚中塗金爲井宿八又鉞一
星在旁

鬼宿旗

宋鬼宿旗青質赤火焰脚繪神人作女子形首飾金釵朱
袍皂襴青帶黃裳烏鳥左手持杖立雲氣中 元制赤質
赤火焰脚上繪五星下繪羊 今制青質黃襴赤火焰間
綵脚中塗金爲鬼宿五

柳宿旗

宋柳宿旗青質赤火焰脚繪神人作女子形露髻朱衣黑

欄黃裳皂鳥撫一青龍 元制赤質赤火焰脚上繪八星
下繪鸞 今制青質黃欄赤火焰脚中塗金爲柳宿
八

星宿旗

宋星宿旗青質赤火焰脚繪神人冠五梁冠淺朱袍綠欄
青帶黃裳朱鳥立雲氣中兩手各持金銅絲二條 元制
赤質赤火焰脚上繪七星下繪馬 今制青質黃欄赤火
焰間綠脚中塗金爲宿七

張官旗

宋張宿旗青質赤火焰脚繪神人衣豹皮朱帶素鞞右手
仗劔坐雲氣中 元制赤質赤火焰脚上繪六星下繪鹿
今制青質黃欄赤火焰間綵脚中塗金爲張宿六

翼宿旗


宋翼宿旗青質赤火焰脚繪神人作女子形首飾金釵假
髻白中單皂袍碧欄赤蔽膝紫裳赤烏左手指前右手仗
劔立於火中 元制赤質赤火焰脚上繪二十二星下繪
蛇 今制青質黃欄赤火焰間綵脚中塗金爲翼宿二十

軫宿旗

采軫宿旗青質赤火焰脚繪神人作女子形金釵假髻朱袍皂襪青帶黃裳赤鳥左手持書立雲氣中 今制青質黃襪赤火焰間綠脚中塗金爲軫宿四長沙一星在中左右轄二星在旁

羽葆幢


戟




三才圖會卷之儀制四

十七

戈斝



儀鉉斝



羽葆幢

按釋名曰幢童也其貌童童然也鄭康成注周禮夏采職云綴以旄牛尾爲之綴於幢上所謂注旄於幢上節幢麾制皆相類唯以層數別之至晉始有羽葆幢宋制如節而五層紫綾袋籠之今制朱漆竿金龍首垂綠蓋紅毳牛毛五層上戴白羽

戟麾

宋制以木爲之在車輪外赤質畫雲氣上綴飛掌垂五色帶帶末有銅鈴景祐五年重制定長一丈六尺元制以

木
有枝塗以黃金竿以朱漆今爲戟枝以黃金塗之朱竿
餘同宋制

戈
斨

按釋名曰戈勾于戟也戈過也所刺所決過之所勾引制
之不得過也 今制爲戈刃以黃金塗之朱竿畫雲氣上
綴五色旛帶末俱綴金銅鈴


儀
鎗
斨

按 宋開寶通禮義纂曰鎗鉞屬也 秦以鐵作鎗謂之
儀鎗 唐用爲儀仗 宋制如斧刻木爲之謂之儀鎗五

色旛塗刃以青柄以朱畫雲氣上綴小錦旛五色帶帶垂
金銅鈴 元制同 今制同宋

黃

蓋




三才圖會卷之九 雜器四

下

織


大




三ノ國清浄寺に傳傳見


蓋

華






紫 方 繖



紅 方 纛



黃蓋

按漢乘輿黃屋左纛黃屋者車蓋也後世因爲黃蓋乃其遺制也 元制黃繖上加金浮屠 今制紅漆直柄圓繖黃羅爲表銷金作飛龍形黃絹裏上施金葫蘆

大繖

按開元禮義鑑曰風俗通云繖者大蓋也又 漢書上官桀爲羽林即從武帝上甘泉宮會天大風車不得行因解蓋以授之 宋制大繖赤質紫表平頂而圓上繡金飛龍瑞草朱裏紅漆藤纏直柄 今制與宋同但加金浮屠

華蓋

按崔豹古今注曰華蓋黃帝所作 黃帝與蚩尤戰於涿鹿常有五色雲氣金枝玉葉止於帝上成花蔭之象因作華蓋又晉天文志曰大帝上九星曰華蓋所以覆蔽大帝之座蓋下九星曰杠蓋其柄也世有華蓋義亦取此 宋制赤質圓頂隆起上繡花龍藤纏朱漆直柄 元制與宋同但上施金浮屠 今制亦與宋同上加雲氣花蔭金浮屠

曲蓋

按崔豹古今注曰曲蓋太公所作武王伐商大風折蓋大
公因折蓋之形而制曲蓋 漢乘輿用四 宋制赤質紅
裏平頂而圓如華蓋差小而曲柄上繡瑞草 元制與宋
同但上加金浮屠 今制同宋


紫方繖

按通俗文曰張帛避雨謂之繖 宋制赤質正方四角有
銅螭頭紫羅表紅絹裏黑漆藤纏直柄平頂 元制如大
繖而表用紫羅 今制同宋上加金浮屠

紅方繖

宋制如紫方織而赤質朱漆藤纏直柄平頂四方紅羅
表紅絹裏無飾元制如大織而表用緋羅今制同宋
上加金浮屠

雉扇



紅團扇



雉扇

按崔豹古今注曰雉尾扇起於商世高宗有雉雉之祥服章多用雉羽周制以爲王后夫人之服輦車有妾飾卽緝羽然羽妻所以遮翳風塵也 唐六典曰舊翟尾扇開元初改爲繡孔雀以從省 宋有六雉扇中雉扇小雉扇三等其制下方上 圓直柄緋羅心外周繡以雉尾排列爲飾中爲雙孔雀間施雜花下橫黑漆木連柄用金銅花裝飾 元因之 今制與宋同


紅團扇

按楊雄方言曰扇自關而東謂之扇自關而西謂之箑世
本曰武王作箑西京雜記曰天子夏則設羽扇冬則繪扇
舊禮令乘輿有紅畫團扇後以綢文故去畫字 宋制亦
質繡五色雜花朱漆柄 元同宋制 今制與宋同

朱雀幢




玄武幢



青龍幢



白虎幢



朱雀玄武青龍白虎幢

按開寶禮義纂曰魏信幢以五方獸爲之唐朱雀幢居前青龍幢居左白虎幢居右玄武幢居後承魏制也宋制幢如節用犛牛毛而五層韜以袋繡四神隨方色朱雀幢用緋羅袋籠之上繡朱雀玄武幢用皂羅袋籠之上繡龜蛇青龍幢用青羅袋籠之上繡青龍白虎幢用白羅袋籠之上繡白虎朱漆柄取曲禮行前朱雀而後玄武左青龍而右白虎之義元制四幢各隨方色繡朱雀龍虎狀於上今制與宋同

扇



班劍



儀刀



扇

按事物紀原崔豹古今注曰 舜廣開視聽求賢人以自輔作五明扇 黃帝內傳亦有五明扇扇之起以五明而制也陸機扇賦曰昔 武王玄覽造扇於前然則今以招涼者用武王所作云故傳有武王扇暘之事 宋制團扇黃質上繡盤龍朱柄 今制與宋同

班劍


按開元禮義纂曰 漢制朝服帶劍 晉代之以木謂之班劍 東齊謂之象劍言象於劍也 宋會要云班劍取

裝飾斑斕之義劔鞘黃質紫斑文金銅裝紫絲帔鍔 元
制同 今制鞘飾以金龍靶用金花裝釘餘同宋


儀刀

按宋會要云儀刀制同御刀 晉宋以來有之黑鞘金塗
花龍飾鞘紫絲緞帔鍔 元制同 今制與宋同但綠鞘
紅絲帔鍔


鐙杖



吾杖



卧瓜



立瓜



響節



金節



骨朶



鐙杖

宋朝會要云鐙棒黑漆琴柄也金銅爲鐙狀飾其末紫絲
條繫之 元制朱漆竿上以金塗馬鐙 今制爲金龍首
銜馬鐙貫於朱漆棒首仍以金飾棒末

吾杖

按崔豹古今注曰 漢朝執金吾吾棒也以銅爲之黃金
塗兩末謂金吾也御史大夫司隸校尉亦得執焉以其形
如車輪輻故又曰車輻棒 宋制朱漆八稜 元制朱漆
棒金飾兩末 今制同

卧瓜立瓜

按武經云骨朵有二色曰蒺藜曰蒜頭盖因物製形以爲
仗衛之用卧瓜立瓜盖亦骨朵之流取象於物者也 元
制卧瓜立瓜皆製如瓜形塗以黃金卧瓜則卧置立瓜則
立置皆朱漆棒首 今制同

響節

按 宋會要曰天武一百五十人充圍子入内院 全集
禮曰司圍四十人皆不注其義今按圍子即響節也 元
制以金塗攢竹杖首貫銅錢而以紫絹冒之 今制同

以黃銷金袋


金節

按周禮地官掌職曰凡邦國之使節山國用虎節土國用人節澤國用龍節皆金也又按釋名曰節爲號令賞罰之節釋名節毛上下相重取象竹節漢節以竹爲之柄長八尺以旄牛尾爲其旒三重宋會要云黑漆竿上施圓盤周綴紅絲拂八層黃繡龍袋籠之元制如麾八層韜以黃羅雲龍袋今制與宋同

骨朶

按宋和筆記曰國朝有骨朶子直衛士親近者予嘗脩日曆曾究其義闡中人謂腹之大者爲胍朶俗因謂仗頭大者亦爲胍朶後訛爲骨朶 胍朶音孤突武經曰骨朶二色曰蒺藜曰蒜頭以鐵若木爲大首 元制以朱漆棒首貫以金塗銅鏈又有刻絲骨朶制如骨朶加紐絲文 今制朱漆竿爲柄下用金飾上貫骨朶

交椅椅踏



鳴鞭



拂子



交椅椅踏

按交椅 漢靈帝時景師所造 元以木爲椅銀飾之塗
以黃金 今制木胎渾金飾之中倚爲釵花雲龍餘皆金
釘裝釘上陳緋綠織金褥四角各垂紅絲絛結帨鋪踏副
四方中爲釵花盤龍餘用金釘裝釘

鳴鞭

按 周禮條狼氏掌執鞭以趨辟王出入則夾道又朝士
掌帥其屬以鞭呼趨且辟禁慢期錯立族談者 晉中朝
大駕有執鳴鞭之制歷代因之 宋以紅絲爲鞭 元制

鞭以綠爲柄梅紅絲爲之梢用黃茸而漬以蠟
黃絲爲鞭梢漬以蠟

拂子


拂子者塵尾之類也 晉東宮舊事曰太子有白毳拂二
宋宮中導從有執紅絲拂二人而不言其制 元以紅毳
牛尾爲之金塗木柄 今制以紅絲拂爲心上以素毳牛
尾籠之銜以金龍首以木爲柄畫以金龍紋柄末垂紫絲
結粉鍔

盂 唾

壺 唾



盆 水



爐香

罐水



盒香



唾壺唾盂

按漢武之世孔安國爲侍中以其儒者特聽掌御唾壺朝士榮之魏武上雜物疏曰御雜物用有純金唾壺一枚漆圓油唾壺四枚交州雜記事曰太康四年臨邑王范熊獻紫水精唾壺一口青白水精唾壺各二口宋宮中導從有紫衣執金唾壺一人而不言其制元唾壺唾盂皆以銀爲之有蓋塗以金今制皆以黃金爲之壺小口巨腹蓋大如腹盂圓形如缶蓋僅掩口下有盤俱爲龍紋

水盆

水盆古之洗也儀禮曰設洗於阼階東南三禮圖曰洗高三尺口徑尺五寸天子黃金飾元以黃金塗銀爲之今制純用黃金寬緣平底列瓣俗謂芙蓉樣者綠底俱鍍花爲飾

水罐

按張敞晉東宮舊事曰太子初拜有塗金銀澡罐一并青絲三合繩長二尺五寸宋宮中導從有紫衣執金罐器一人而不言其制元有水瓶而無水罐今制以黃金爲之有蓋有提小口巨腹通用鍍花爲飾

香合

按韻會曰合子盛物器名漢劉向有合賦宋元嘉起居注曰阜朗有金鍍合二枚銀鍍盆二枚宋宮中導從有捧龍腦合二人元制以銀爲合徑七寸塗黃金鍍雲龍于上今制以黃金爲圓合蓋鍍以龍紋底周圍鍍花爲蓮瓣

香爐

按西京雜記曰長安巧工丁緩者作卧褥香爐本出防風其法後絕至緩更爲之爲機環轉運而爐體常平宋宮中導從有女冠二人執香爐香盤元制以銀爲座上插蓮

花爐爐上罩以圓毬鍍網縕旋轉文于上黃金塗之今
制以黃金爲圓爐大口細頸巨腹三足飾以釵花有蓋爲
蹲龍形二飛鳳爲耳附兩旁